

सारो जगत छोड़ र आईयो

सारो जगत छोड़ र आइयो, बाबाजी में तो थारे द्वार,
हारया रा साथी, साथ निभा दे रे,
दुखिया रा द्वारे, हिवड़े लगा ले रे.....

कालजड़ो तो म्हारो घणो दुःख पावे,
याद करू तो नैना भर भर आवे,
घर का न तो टोया, टोया गांव का,
कोई. ना दियौ रे म्हारो साथ,
दिना रा दाता हाथ बढा दे रे,
दुखियारी दवारे हिवड़े लगा ले रे,
सारो जगत छोड़ र.....

काली काली बादली आ सिर पै गरजे,
चमके बिजुरिया तौ हियो म्हारो धडके,
बाट ऊडिके टाबर ऐकलो, छाड़ अंधियारी काली रात,
भगता रा भीडी, भीड़ हटा दे रे,
दूखियारो द्वारे हिवड़े लगा.ले.रे,
सारो जगत छोड़ र.....

भणक जद काना प्रभु के, द्वारे खडयो लीलो घोडो धडुके,
हांक रहया लीलो घोडलियो, मोर छड़ी लिया हाथ,
म्हारो बाबुल म्हास्यू मिलबा ने आयो जी,
भगतां रा भीडी, मिलबा ने आयो रे,
सारो जगत छोड़ र.....

दिन दुखी ने बाबो हिवड़े लगाके, मत घबरावे बोल्यौ धीर बंधाके,
हाथ फिरावे सिर पर सांवरो, लिन्यो कालजे लगाय,
म्हारो बाबो म्हारो मान बढायो जी,
बाबोजी आकर लाड लडायो जी,
सारो जगत छोड़ र.....

<https://bhajanganga.com/bhajan/lyrics/id/31465/title/saro-jagat-chorh-r-aayiyo>

अपने Android मोबाइल पर [BhajanGanga](#) App डाउनलोड करें और भजनों का आनंद ले |